

摘藻堂四庫全書薈要

集部

欽定四庫全書薈要

集部

文忠集卷

一至三

臣王杰詳校  
詳校官助教臣常循



欽定四庫全書薈要

文忠集目錄

卷一

居士集第一

古詩三十八首

卷二

居士集第二

古詩二十首



卷三

居士集第三

古詩三十一首

卷四

居士集第四

古詩二十四首

卷五

居士集第五

古詩一十八首

卷六

居士集第六

古詩二十五首

卷七

居士集第七

古詩二十二首

卷八

居士集第八

古詩二十一首

卷九

居士集第九

古詩三十首

卷十

居士集第十

律詩六十首

卷十一

居士集第十一

律詩五十七首

卷十二

居士集第十二

律詩五十六首

卷十三

居士集第十三

律詩五十五首

卷十四

居士集第十四

律詩六十五首

卷十五

居士集第十五

賦五首

雜文五首

卷十六



居士集第十六

論三首

或問一首

卷十七

居士集第十七

論六首

卷十八

居士集第十八

經旨十一首

辯一首

卷十九

居士集第十九

詔冊七首

卷二十

居士集第二十

神道碑銘三首

卷二十一

居士集第二十一

神道碑銘四首

卷二十二

居士集第二十二

神道碑銘二首

卷二十三

居士集第二十三

神道碑銘二首

卷二十四

居士集第二十四

墓表八首

卷二十五

居士集第二十五

墓表六首

卷二十六

居士集第二十六

墓誌銘四首

卷二十七

居士集第二十七

墓誌銘五首

卷二十八

居士集第二十八

墓誌銘六首

卷二十九

居士集第二十九

墓誌銘六首

卷三十

居士集第三十

墓誌銘四首

卷三十一

居士集第三十一

墓誌銘五首

卷三十二

居士集第三十二

墓誌銘三首

卷三十三

居士集第三十三

墓誌銘四首

卷三十四

居士集第三十四

墓誌銘五首

卷三十五

居士集第三十五

墓誌銘三首

墓碣一首

卷三十六

居士集第三十六

墓誌銘七首

墓碣一首

卷三十七

居士集第三十七



墓誌銘一十七首

卷三十八

居士集第三十八

行狀二首

卷三十九

居士集第三十九

記十首

卷四十

居士集第四十

記八首

卷四十一

居士集第四十一

序七首

卷四十二

居士集第四十二

序九首

卷四十三

居士集第四十三

序七首

卷四十四

居士集第四十四

序六首

傳一首

卷四十五

居士集第四十五



通進司上書一首

卷四十六

居士集第四十六

準詔言事上書一首

卷四十七

居士集第四十七

與人書八首

卷四十八

居士集第四十八

策問十二道

卷四十九

居士集第四十九

祭文二十首

卷五十

居士集第五十

祭文十七首

卷五十一

外集第一

樂府七首

古詩四十首

卷五十二

外集第二

古詩二十七首

卷五十三

外集第三

古詩三十首

卷五十四

外集第四

古詩三十八首  
聯句四首

卷五十五

外集第五

律詩五十八首

卷五十六

外集第六

律詩七十三首

卷五十七

外集第七

律詩七十首

卷五十八

外集第八

古賦四首

辭二首



頌一首

贊一首

章一首

卷五十九

外集第九

論八首

時論三首附

辨二首

書一首附

卷六十

外集第十

經旨一十三首

卷六十一

外集第十一

神道碑銘一首

墓誌銘六首

卷六十二

外集第十二

墓誌銘六首

墓表一首

石槨銘一首

卷六十三

外集第十三

記二十一首

卷六十四

外集第十四

序一十二首

卷六十五

外集第十五

序七首

傳一首

卷六十六

外集第十六

書八首

卷六十七

外集第十七

書一十一首

卷六十八

外集第十八

書一十二首

卷六十九

外集第十九

書一十五首

卷七十

外集第二十

策問五首

謚議一首

齋文一首

祭文六首

卷七十一

外集第二十一

歐陽氏譜圖序

卷七十二

外集第二十二

硯譜

牡丹記

卷七十三

外集第二十三

雜文二十七首

卷七十四

外集第二十四

近體賦一十二首 詩三首

卷七十五

外集第二十五

論三首

策八首

卷七十六

易童子問第一

問答二十一章

卷七十七

易童子問第二

問答一十五章

卷七十八

易童子問第三

問答一章



卷七十九

外制集第一

勅二首

制四十七首

卷八十

外制集第二

制五十首

卷八十一

外制集第三

制五十首

拾遺一十五首附

卷八十二

內制集第一

詔七首

國書二首

勅書二首

批答一首

口宣一十五首

春帖子詞二十首

青詞七首

密詞一首

齋文三首

祝文五首

功德疏右語一首

卷八十三

內制集第二

制一首

詔四首

勅書一首

批答五首

口宣一十五首

端午帖子詞二十首

上梁文一首

青詞九首

密詞一首

齋文四首

祭文四首

卷八十四

內制集第三

制一首

詔三首

國書四首

勅書四首

御札一首

口宣一十七首

表一首

青詞六首

密詞一首

齋文三首

祝文二首

祭文二首

功德疏右語一首

卷八十五

內制集第四

制一首

詔八首

詔勅四首

勅書七首

批答二首

口宣一十三首

青詞五首

密詞二首

齋文一首

卷八十六

內制集第五

詔八首

詔書三首

國書三首

勅書二首

批答一首

口宣一十三首

青詞三首

密詞二首

默表一首

齋文一首

祝文三首

卷八十七

內制集第六

制四首

詔一十一首

國書二首

批答六首

口宣五首

端午帖子二十首

青詞六首

密詞三首

表六首

默表一首

冊文三首

卷八十八

內制集第七

制二首

詔十一首

國書二首

勅書四首

批答三首

口宣七首

青詞六首

齋文二首

祝文二首

功德疏語五首



內中御侍賀節詞語二首

卷八十九

內制集第八

制三首

詔一十二首

勅書八首

批答六首

口宣二首

表三首

密詞一首

齋文二首

祝文一首

祭文三首

卷九十

表奏書啓四六集第一

表一十八首

狀五首

劄子一首

卷九十一

表奏書啓四六集第二

表九首

狀一十二首

劄子九首

卷九十二

表奏書啓四六集第三

表一十三首

劄子一十首

卷九十三

表奏書啓四六集第四

表一十一首

狀一首

劄子二十首

御札二首附

卷九十四

表奏書啓四六集第五

表一十二首

狀二首

劄子一十五首

卷九十五

表奏書啓四六集第六

書二首

啓三十六首

卷九十六

表奏書啓四六集第七

書三十二首

啓七首

卷九十七

奏議第一

劄子六首

狀四首

卷九十八

奏議第二

劄子九首

卷九十九

奏議第三

劄子六首

狀三首

卷一百

奏議第四

劄子十首

狀一首

卷一百一

奏議第五

劄子八首

卷一百二

奏議第六

劄子九首

狀一首

卷一百三

奏議第七

劄子十首

卷一百四

奏議第八

劄子十首

狀一首

卷一百五

奏議第九

劄子十首

卷一百六

奏議第十

劄子六首

狀一首

卷一百七



奏議第十一

狀四首

卷一百八

奏議第十二

劄子四首

狀二首

書一首

卷一百九

奏議第十三

劄子二首

狀三首

卷一百十

奏議第十四

疏一首

狀五首

劄子六首

卷一百十一

奏議第十五

劄子十一首

疏一首

書一首

卷一百十二

奏議第十六

狀九首

劄子三首

卷一百十三

奏議第十七

劄子八首

卷一百十四

奏議第十八

劄子六首

狀一首

卷一百十五

雜著述第一

河東奏草上

卷一百十六

雜著述第二

河東奏草下

卷一百十七

雜著述第三

河北奏草上

卷一百十八

雜著述第四

河北奏草下

卷一百十九

雜著述第五

奏事錄

卷一百二十

濮議第一

卷一百二十一

濮議第二

卷一百二十二

濮議第三

卷一百二十三

濮議第四

卷一百二十四

宗文總目敘釋

卷一百二十五

于役志

卷一百二十六

歸田錄上

卷一百二十七

歸田錄下

卷一百二十八

詩話

卷一百二十九

筆說

卷一百三十

試筆

卷一百三十一



長短句一

卷一百三十二

長短句二

卷一百三十三

長短句三

卷一百三十四

集古錄跋尾第一

周

秦

前漢

後漢

卷一百三十五

集古錄跋尾第二

後漢

卷一百三十六

集古錄跋尾第三

後漢

卷一百三十七

集古錄跋尾第四

魏

吳

晉

宋

齊

南齊

梁

陳

後魏

東魏

北齊

後周

卷一百三十八

集古錄跋尾第五

隋

唐

卷一百三十九

集古錄跋尾第六

唐

卷一百四十

集古錄跋尾第七

唐

卷一百四十一

集古錄跋尾第八

唐

卷一百四十二

集古錄跋尾第九

唐

卷一百四十三

集古錄跋尾第十

唐

五代

卷一百四十四

書簡第一

五十一首

卷一百四十五

書簡第二

五十六首

卷一百四十六

書簡第三

四十八首

卷一百四十七

書簡第四

四十一首

卷一百四十八

書簡第五

六十二首

卷一百四十九

書簡第六

四十五首

卷一百五十

書簡第七

四十四首

卷一百五十一

書簡第八



三十三首

卷一百五十二

書簡第九

四十九首

卷一百五十三

書簡第十

二十三首

臣等謹案文忠集一百五十三卷宋歐陽修撰案

藝文志載修所著文集五十卷別集二十卷六一  
集七卷奏議十八卷内外制集十一卷從諫集八  
卷諸集中惟居士集乃修晚年所自編定其餘  
多出他人訂輯當時各有別本流傳如衢州刻  
奏議韶州刻從諫集浙西刻四六集之類又有廬  
陵本京師舊本綿州本宣和吉本蘇州本閩本  
諸名分合不一陳振孫所謂通行海内而無善  
本者是也此本為周必大所編定者自居士集

至書簡集凡十八集前有必大所作序陳振  
孫以為益公解相印歸用諸本編校刊之家  
塾其子綸又以所得歐陽氏傳家本公之子  
棐所編次者屬益公舊客曾三異校正益完  
善無遺恨而必大原序又稱郡人孫謙益承  
直郎丁朝佐徧搜舊本鄉貢進士曾三異等  
互相編校起紹熙辛亥迄慶元庚辰據此則  
是書非三異獨校亦非必大自輯與振孫所

言俱不合而檢書中舊存編校人姓名有題  
郡人羅泌校正者亦無曾三異之名惟卷末  
考異中多有云公家定本作某者似即周綸  
所得之歐陽氏傳家本此書編次義例本出  
必大之指特意存讓善故序中不自居其名  
而振孫所云綸得傳家本付三異校正乃在  
朝佐等校定之後添入刊行故序亦未之及  
歟其書以諸本參校同異見於所紀者曰文

纂曰薛齊誼編年慶歷文粹曰熙寧時文曰  
宋文海曰文數曰京本英辭類藁曰緘啟新  
範曰仕塗必用曰京師名賢簡啟皆廣為蒐  
討一字一句必加考覈又有兩本重見而刪  
其複出者如濮王典禮奏之類有他本所無  
而旁採附入者如詩解統序之類有別本所  
載而據理不取者如錢鏐等傳之類其鑒別  
亦最為詳允故自宋以來學者爭傳習之觀

樓鑰攻媿集有濮議跋稱廬陵所刊文忠集  
列於一百二十卷以後首尾俱同又第四卷  
劄子注云是歲十月撰不曾進呈檢勘所云  
即指此本以鑰之博洽而必引以為據則其  
編訂之精密亦槩可見矣乾隆四十二年五  
月恭校上

總纂官

臣紀昀

陸錫熊

孫士毅

總校官

臣

陸費墀

文忠集原序

夫言有大而非夸達者信之衆人疑焉孔子曰天之將喪斯文也後死者不得與於斯文也孟子曰禹抑洪水孔子作春秋而予距楊墨蓋以是配禹也文章之得喪何與於天而禹之功與天地並孔子孟子以空言配之不已夸乎自春秋作而亂臣賊子懼孟子之言行而楊墨之道廢天下以為是

二字一作是為

固然而不知其功孟子

既沒有申商韓非之學違道而趣利殘民以厚主其說

至陋也而士以是罔其上上之人僥倖一切之功靡然從之而世無大人先生如孔子孟子者推其本末權其禍福之輕重以救其惑故其學遂行秦以是喪天下陵夷至於勝廣劉項之禍死者十八九天下蕭然洪水之患蓋不至此也方秦之未得志也使復有一孟子則申韓為空言作於其心害於其事作於其事害於其政者必不至若是烈也使楊墨得志於天下其禍豈減於申韓哉由此言之雖以孟子配禹可也太史公曰蓋公言



黃老賈誼晁錯明申韓錯不足道也而誼亦為之子以是知邪說之移人雖豪傑之士有不免者況衆人乎自漢以來道術不出於孔氏而亂天下者多矣晉以老莊亡梁以佛亡莫或正之五百餘年而後得韓愈學者以愈配孟子蓋庶幾焉愈之後三百有餘年而後得歐陽子其學推韓愈孟子以達於孔子著禮樂仁義之實以合於大道其言簡而明信而通引物連類折之於至理以服人心故天下翕然師尊之自歐陽子之存世之不

說者譁而攻之能折困其身而不能屈其言士無賢不肖不謀而同曰歐陽子今之韓愈也宋興七十餘年民不知兵富而教之至天聖景祐極矣而斯文終有愧於古士亦因陋守舊論卑而氣弱自歐陽子出天下爭自濯磨以通經學古為高以救時行道為賢以犯顏納說為忠長育成就至嘉祐末號稱多士歐陽子之功為多嗚呼此豈人力也哉非天其孰能使之歐陽子沒十有餘年士始為新學以佛老之似亂周孔之實識者憂之

賴天子明聖詔修取士法風厲學者專治孔氏黜異端  
然後風俗一變考論師友淵源所自復知誦習歐陽子  
之書予得其詩文七百六十六篇於其子棐乃次而論  
之曰歐陽子論大道似韓愈論事似陸贄記事似司馬  
遷詩賦似李白此非予言也天下之言也歐陽子諱修  
字永叔既老自謂六一居士云元祐六年六月十五日  
翰林學士承旨左朝奉郎知制誥兼侍讀蘇軾撰  
年十二月是時  
任翰林學士

綿本  
作三



歐陽文忠公集自汴京江浙閩蜀皆有之前輩嘗言公  
作文揭之壁間朝夕改定今觀手寫秋聲賦凡數本劉  
原父手帖亦至再三而用字往往不同故別本尤多後  
世傳錄既廣又或以意輕改殆至訛謬不可讀廬陵所  
刊抑又甚焉卷帙叢脞略無統紀私竊病之久欲訂正  
而患寡陋未能也會郡人孫謙益老於儒學刻意斯文  
承直郎丁朝佐博覽群書尤長考證於是徧搜舊本傍  
采先賢文集與鄉貢進士曾三異等互加編校起紹熙

辛亥春迄慶元丙辰夏成一百五十三卷別為附錄五  
卷可繕寫模印惟居士集經公決擇篇目素定而參校  
衆本有增損其辭至百字者有移易後章為前章者皆  
已附注其下如正統論吉州學記瀧岡阡表又迥然不  
同則收實外集自餘去取因革粗有據依或不必存而  
存之各為之說列於卷末以釋後人之惑第首尾浩博  
隨得隨刻歲月差互標注抵牾所不能免其視舊本則  
有間矣既以補鄉邦之闕亦使學者據舊鑒新思公所

以增損移易則雖與公生不同時殆將如升堂避席親承指授或因是稍悟為文之法此區區本意也六月己巳前進士周必大謹書





欽定四庫全書薈要卷一萬四千二百八十六

集部

文忠集卷一

宋 歐陽修 撰

居士集第一

古詩三十八首

顏跖

顏回飲瓢水陋巷臥曲肱盜跖厭人肝九州恣橫行回  
仁而短命跖壽死免兵愚夫仰天呼禍福豈足憑跖身  
一腐鼠死朽化無形萬世尚遭戮筆誅甚刀刑思其生



所得豺犬飽臭腥顏子聖人徒生知自誠明惟其生之  
樂豈減跖所榮死也至今在光輝一作輝光如日星譬如埋  
金玉不耗精與英生死得失間較量誰重輕善惡理如  
此毋尤天不平

猛虎

猛虎白日行心閑貌揚揚當路擇人肉熊一作熊豬不形

相頭垂尾不掉百獸自然降暗禍發所忽有機埋路傍  
徐行自踏之機翻矢穿腸怒吼震林丘瓦落兒墮牀已

死不敢近目睛射餘光虎勇

一作猛

恃其外爪牙利鉤鋸

人形雖羸弱智巧

一作巧智

乃中藏恃外可摧折藏中難測

量英心多決烈自信不猜防老狐足姦計安居

一作身安

穴

垣墻窮冬聽冰渡思慮豈不長引身入扱中將死猶跳  
踉狐姦固堪笑虎猛誠可傷

### 仙草

世說有仙草得之能隱身仙書已怪妄此事況無文嗟  
爾得從誰不辨偽與真持行入都市自謂術通神白日

攫黃金磊落棟竒珍旁人掩口笑縱汝暫懽忻汝方矜  
所得謂世盡盲昏非人不見汝乃汝不見人

遊龍門分題十五首

上山

躡蹻上高山探險慕幽賞初驚澗芳早忽望巖扉敞林  
窮路已迷但逐樵歌響

下山

行歌翠微裏共下山前路千峯返照外一鳥投巖去渡

日晚無人繫舸芳洲樹

石樓

高灘復下灘風急刺舟難不及樓中客徘徊川上山

一作

山上看一夕陽洲渚遠唯見白鷗翻

作山上山

上方閣

聞鐘渡一作動寒冰共步尋雲嶂還隨孤鳥下却望層林

上清梵遠猶聞日暮空

一作千

山響

伊川泛舟

春溪漸生溜演漾迴舟小沙禽獨避人飛去青林杪

宿廣化寺

橫槎渡深澗披露採香薇樵歌雜梵響共向松林歸  
日落寒山慘浮雲隨客衣

自菩提步月歸廣化寺

春巖瀑泉響夜久山已寂明月淨松林千峰同一色

八節灘

亂石瀉溪流跳波濺如雪往來川上人

一作寒川上

朝暮愁

灘濶更待浮雲散孤舟弄明月

白傳墳

芳荃莫蘭酌共弔松林裏溪口望山椒但見浮雲起  
晚登菩提上方

野色混晴嵐蒼茫辨烟樹行人下山道猶向都門去  
山槎

古木臥山腰危根老盤石山中苦霜霰歲久無春色不  
如嵒下桂開花獨留客

石筍

巨石何亭亭孤生此巖側白雲與翠霧誰見琅玕色惟  
應山鳥飛百轉時來息

鴛鴦

畫舫

一作船

鳴兩槳日暮芳洲路泛泛風波鳥雙雙弄紋

羽愛之欲移舟漸近還飛去

魚

一作  
魚 罾

春水弄春沙蕩漾流不極簑簪苦難滿終日沙頭客向



暮卷空罾棹歌菱浦北

魚鷹

日色弄晴

一作清

川時時錦鱗躍輕飛若下韝豈畏風灘

惡人歸晚渚靜獨傍漁舟落

伊川獨遊

東郊漸微綠驅馬忻獨往梅繁野渡晴泉落春山響身  
閑愛物外趣遠諧心賞歸路逐樵歌落日寒川上

三遊洞

一本作夷陵九詠一三遊洞二下半溪三  
蝦蟇碣四勝亭驛五龍溪六黃溪夜泊七

黃牛峽祠八松門九下牢津居士集本古律各從其類今從之

漾穢泝清川捨舟緣翠嶺探竒冒層險因以窮人境弄

舟

一作川

終日愛雲山徒見青蒼杳靄間誰知一室烟霞

裏乳竇雲腴凝石髓蒼崖一徑橫查渡翠壁千尋當戶

起昔人心賞為誰留人去山阿跡更幽青蘿綠桂何岑

寂山鳥嘒嘒不驚客松鳴澗底自生風月出林間來照

席仙境難尋復易迷山回路轉幾人知惟應洞口春花

落流出巖前百丈谿

即下牢溪也

下牢溪

隔谷聞溪聲尋溪度橫嶺清流涵白石靜見千峰影巖  
花無時歇翠柏鬱何整安能戀潺湲俯仰弄雲景

蝦蟇碣

今土人寫作  
背字音佩

石溜吐陰崖泉聲滿空谷能邀弄泉客繫舸留巖腹陰  
精分月窟水味標茶錄共約試春芽槍旗幾時綠

黃牛峽

一本無  
峽字

祠

大川雖有神

一作固  
神靈

淫祀亦其

一作  
本風

俗石馬繫祠門山

鷓鴣噪叢木潭潭村鼓隔溪聞楚巫歌舞送迎神畫船百

丈山前路上灘下峽長來去江水東流不暫停黃牛千

古長如故峽山侵天起青嶂崖崩路絕無由上黃牛不

下江頭飲行人惟向舟中望朝朝暮暮一作行終日見黃牛

徒使行一作誰使人人過此愁山高更遠望猶見不是黃牛

一作滯客舟語曰朝見黃牛暮見黃牛一朝一暮

灘中

黃牛如故言江惡難行久不能過也

千葉紅梨花

峽州署中舊有此花前無賞者知郡朱郎中始加欄檻命坐客賦之

紅梨千葉愛者誰白髮郎官心好奇徘徊繞樹不忍折

一日千匝看無時夷陵寂寞千山裏地遠氣偏時節異  
愁煙若霧少芳菲野卉蠻花鬪紅紫可憐此樹生此處  
高枝絕一作紅艷無人顧春風吹落復吹開山鳥飛來自  
飛去根盤樹老幾經春真賞今纔遇使君風輕絳雪罇  
前舞日暖繁香露下聞從來奇物產天涯安得移根植  
帝家猶勝張騫為漢使辛勤西域徙榴花

金雞五言十四韻

蠻荆鮮人秀厥美為物恠禽鳥得之多山雞稟其粹衆

綵爛成文真色不可繪仙衣霓紛披女錦花綵繚輝華  
日光亂眩轉目睛憊高田啄秋粟下澗飲寒瀨清唳或  
相呼舞影還自愛豈知文章累遂使網羅掛及禍誠有  
媒求友反遭賣有身乃吾患斷尾亦前戒不羣世所驚  
甚美衆之害稻梁雖云厚樊紲豈為泰山林歸無期羽  
翮日已鍛用晦有前言書之可為誡

和丁寶臣遊甘泉寺

寺在臨江一山上與縣廨相對

江上孤峰蔽綠蘿縣樓終日對嵯峨叢林已廢姜祠在

事迹難尋楚語訛

寺有清泉一泓俗傳為姜詩泉亦有姜詩祠按詩廣漢人疑泉不在此

空餘一派寒巖側澄碧泓渟涵玉色野僧豈解惜清泉

蠻俗那知為勝迹西陵老

一作縣

令好尋幽時共登臨向

此遊歎危一逕穿林樾盤石蒼苔留客歇山深雲日變

陰晴澗柏巖松度歲青谷裏花開知地暖林間鳥語作

春聲依依渡口夕陽時却望層巒在翠微城頭暮鼓休

催客更待橫江

一作孤舟

弄月歸

送京西提點刑獄張駕部

太華之松千歲青嘗聞其下多茯苓地靈山秀草木異

往往變化為人形神仙不欲世人採覆以雲氣常冥冥

臺郎何年

一作處

得真訣服餌既久毛骨清汝陽昔見今

十載丹顏益少方瞳明郡齋政成罇俎樂高談日接無

俗情詔書忽下褒美績使車朝出行屬城職清事簡稱

雅

一作高

意靈書古籀

一作靈丸滿筍

晨裝輕洛陽花色笑春日

錦衣畫歸閭里驚自云就欲

一作欲就

謝官去烏紗白髮西

臺卿他年我

一作終

亦老嵩少願乞仙粒分餘馨



贈杜默

一本注云默師太學先生石守道介

南山有鳴鳳其音和且清鳴於有道國出則天下平杜  
默東土秀能吟鳳凰聲作詩幾百篇長歌仍短行携之  
入京邑欲使衆耳驚來時上師堂再拜辭先生先生領  
首遣教以勿驕矜贈之三豪篇而我濫一名杜子來訪  
我欲求相和鳴顧我文字卑未足當豪英豈如子之辭  
鏗鏘間鏞笙淫哇俗所樂百鳥徒一作方嚶嚶杜子卷舌  
去歸衫翩以輕京東聚羣盜河北點新兵飢荒與愁苦

道路日以盈子盍引其吭發聲通下情上聞天子聰次  
使宰相聽何必九苞禽始能瑞一作鳴堯庭子詩何時作  
我耳久已傾願以白玉琴寫之朱絲繩

送呂夏卿

夏卿父造字公初有名進士也一本云送呂先輩赴端州高要尉

始吾尚幼學弄筆群兒爭誦公初文嗟我今年已白髮  
公初相見猶埃塵傳家尚喜有二子始知靈珠出淮濱  
一作海濱去年來書來上國欲以文字驚衆人駑駘群  
一作淮濱

馬斂足避天衢讓路一作騰踏先騏驎尚書禮部奏高第斂

衣襟硯超嚴宸曠曠春日轉黃傘藹藹賦筆搞青雲我  
時寓直殿廬外衆中迎子笑以忻明朝一作晨失意落人

後我為沮氣羞出門得官高要幾千里猶幸海遠

一作遠海

無惡氛英英帝國多鸞鳳

一作鳳

上下羽翼何繽紛期子

當呼丹山鳳為瑞相與來及羣

### 憶山示聖俞

吾思夷陵山山亂不可究東城一堠餘高下漸岡阜羣  
峯迤邐接四顧無前後憶嘗祇吏役鉅細悉經覲是時

秋卉紅嶺谷堆纈繡林姑松鱗皴山老石脊瘦斷徑履  
頽崖孤泉聽清溜深行得平川古俗見耕耨澗荒驚麋  
奔日出飛雉雒盤石屢歌眠綠巖堪解綬幽尋嘆獨往  
清興思誰侑其西乃三峽嶮恠愈竒富江如自天傾

一作

馮  
岸立兩崖鬬黔巫望西蜀越嶺通南秦時時縣樓對  
雲霧昏白晝荒煙下牢戍百仞寒溪漱蝦蟆噴水簾甘  
液勝飲酎亦嘗到黃牛泊舟聽猿狖巉巉起絕壁蒼翠  
非刻鏤陰品下攢叢岫穴忽空透遙岑聳孤出可愛欣

欲就惟思得君詩古健寫奇秀今來會京師車馬逐塵  
簪顏冠各白髮舉酒無舊袖繁華不可慕幽賞亦難遘  
徒為憶山吟耳熱助嘲詬

送唐生

一本作送唐秀才歸永州

京師英豪域車馬日紛紛唐生萬里客一影隨一身出  
無車與馬但踏車馬塵日食不自飽讀書依主人夜夜

客枕夢

一作冷

北風吹孤雲翩然動歸思旦夕來叩

一作叩我

門終年少人識逆旅

一作旅意

惟我親來學媿道瞠昧

一作贈

歸慚

一作嗟

橐貧勉之期不止多獲由力耘指家大嶺北

重湖浩無垠飛鴈不可到書來安得

一作能

頻

送任處士歸太原

時天兵方討趙元昊

一虜動邊陲用兵三十萬天威豈不嚴賊首猶未獻自

古王者師有征而不

一作無

戰勝敗繫人謀得失由廟算

是以天子明咨詢務周徧直欲採奇謀不為人品限公  
車百千輩下不遺僕賤況於儒學者延納宜無間如何  
任生來三月不得見方茲急士時論擇豈宜慢任生居

太原白首勤著撰閉戶不求聞忽來誰所薦人賢固當

用舉繆不加譴

一作賢固當用舉繆亦不加譴

賞罰兩無文是非奚以

辨遂令拂衣歸安使來者勸

一本作其餘苟盡然所責胡由辨兩句

嗟吾

筆與舌非職不敢諫

聖俞會飲

時聖俞赴湖州一本作送梅堯臣赴湖州

傾壺豈徒彊君飲解帶且欲留君談洛陽舊友一時散

十年會合無二三京師旱久塵土熱忽值晚雨涼纖纖

一作霏霏滑公井泉釀最美赤泥印酒新開緘更吟君句勝

啖肉杏花妍媚春酣酣

君詩有春風酣  
酣杏正妍之句

吾交豪俊天下

選誰

一作難

得衆美如君兼

一本有鏗鏘文律金玉寫  
森羅武庫戈戟鉅兩句

詩

工鑱刻露天骨將論縱橫輕玉鈐遺編最愛孫武說往

往曹杜遭夷芟關西幕府

一作下

不能辟隴山

一作西

敗

一作大

將死可慚嗟余身賤不敢薦四十白髮猶青衫吳興太

守詩亦好往

一作助

奏玉琯和英咸盃行到手莫辭醉明

日

一作發

舉棹天東南

送胡學士知湖州

一本云送胡  
宿武平學士



武平天下才四十滯鉛槧忽乘使君舟歸榜

一作  
舫

不可

纜都門春漸動柳色綠將暗掛帆千里風水闊江濫濫

吳興水精宮樓閣在寒鑑橘柚秋苞繁烏程春甕釀清

談越客醉屢舞吳娘豔寄詩毋憚頻

一作  
煩

以慰離居念

哭

一作  
弔石

曼卿

嗟我識君晚君時猶壯夫信哉天下奇落落不可拘軒

昂懼驚俗自

一作  
以

隱酒之徒一飲不計斗傾河竭崑墟

作詩幾百篇錦組聯瓊琚時時出險語意外研精粗窮

奇變雲烟搜怪蟠蛟魚詩成多自寫筆法顏與虞旋弃

不復惜所存今幾餘往往落人間藏之比明珠又好一作

愛

題屋壁虹霓隨卷舒遺蹤處處在餘墨潤不枯胸山

頃歲出我亦斥江湖垂離一作

睽

四五載人事忽焉

一作有

殊歸來見京師心老貌已癯但驚何其衰豈意今也無  
才高不少下閤若與世踈驂騑當少時其志萬里塗一  
旦老伏櫪猶思玉山芻天兵宿西北狂兒尚稽誅而今  
壯士死痛惜無賢愚歸魂渦上田露草荒春蕪

送曇穎歸廬山

吾聞廬山久欲往世俗拘昔歲貶夷陵扁舟下江湖八月到湓口停帆望香爐香爐雲霧間杳靄疑有無忽值秋日明彩翠浮空虛信哉竒且秀不與滯霍俱偶病不得往中流但踟躕今思尚髣髴恨不傳畫圖曇穎十年舊風塵客京都一旦不辭訣飄然卷衣一作長裾山林往不返古亦有吾儒西北苦兵戰江南仍旱枯新秦又攻寇京陝募兵夫聖君念蒼生賢相思良謨嗟我無一說

朝紳拖舒舒未能膏鼎鑊又不老菰蒲羨子識所止雙  
林歸結廬

送孔秀才遊河北

吾始未識子但聞楊公賢及子來叩門手持贈子篇賢  
愚視所與不待交子一作得交一言子文諧律呂子行潔琅  
玕行矣慎所遊惡草能敗蘭

送黎生下第還蜀

黍離不復雅孔子修春秋扶王貶吳楚大法加諸侯安

儒泥於魯甚者云黜周大旨既已矣安能討

一作計

源流

遂令學者迷異說相交鉤黎生西南秀挾策來東遊

一作州

有司不見採春霜滑歸輶自云喜三傳力

一作方

欲探微

幽凡學患不彊苟至將焉庾聖言簡且直慎勿迂其求  
經通道自明下筆如戈矛一敗不足卹後功掩前羞

文忠集卷一

欽定四庫全書薈要卷一萬四千二百八十七

集部

文忠集卷二

宋

歐陽修

撰

居士集第二

古詩二十首

送楊闢秀才

吾竒魯生者始得之太學初謂獨軒然百鳥而一鶚既  
又得楊生羣獸出麟角乃知天下才所識慚未博楊生  
初誰師仁義而禮樂天姿樸且茂美不待追琢始來讀

其文如渴飲醴

一作醴

酪既坐即之談稍稍吐鋒鏑非唯

富春秋固已厚天爵有司選羣材繩墨困量度胡為謹

毫分而使遺磊落至寶異常珍夜光驚把握駭者弃諸

塗竊拾充吾橐其於獲二生厥價玉一穀嗟吾雖得之

氣力獨何弱帝閣啓巖巖

一作巖巖

欲獻前復却遽令扁舟

下飄若吹霜籜世好競辛鹹古味殊淡泊

一作薄

否泰理

有時惟窮見其確

送孔生

一本生作監簿

再遊河北



志士惜白日高車無停輪孔生東魯儒年少勇且仁大  
軸獻理醜長裾弊街塵門無黃金聘家有白髮親寒風  
八九月北渡大河津玉塞積精甲金戈耀秋雲孔生力  
數斗其智兼千人短褐不自暖高談吐陽春北州多賢  
侯待一作得士誰最勤一見贈雙壁再見延上賓丈夫患  
不遇豈患長賤貧

送慧勤歸餘杭

越俗僭宮室傾貲事雕牆佛屋尤其侈耽耽擬侯王文

彩瑩丹漆四壁金焜煌上懸百寶蓋宴坐以方牀胡為

弃不居棲身客京坊辛勤營一室有

一作乃

類燕巢梁南

方精飲食菌

一作筍

鄙羔羊飯以玉粒粳調之甘露漿

一饌費千金百品羅成行晨興未飯僧日昃不敢嘗乃

茲隨北客枯粟充飢腸東南地秀絕山水澄清

一作鮮

光餘

杭幾萬家日夕焚清香烟霏四面起雲霧雜芬芳豈如

車馬塵鬢髮染成霜三者孰苦樂子奚

一作分

勤四方乃

云慕仁義奔走不自遑始知仁義力可以治膏肓有志

誠可樂

一作嘉

及時宜自彊人情重懷土飛鳥思故鄉夜

枕聞北鴈歸心逐南檣歸分能來否送子以短章

讀張李二生文贈

一本作謝張續李常寄

石先生

先生石介也

先生二十年東魯能使魯人皆好學其間張續與李常

剖琢珉石

一作如剖珉石一作如剖衆石

得天璞大圭雖不假雕琢

一作

鐫但未磨礪出圭角二生固是天下寶豈與先生私褚

橐先生示我何矜誇手携文編謂新作得之數日未暇

讀意欲百事先

一作前

屏却夜歸獨坐南窓下寒燭青熒

如熠燿病眸昏澁乍開絨燦若月

一作日

星明錯落辭嚴

意正質非俚

一作高且簡

古味雖淡醇不薄千年佛老

一作若佛

賊中國禍福依憑羣黨惡拔根掘窟期必盡有勇無前

力何犖乃知二子果可用非獨詞

一作特言

堅由志確朝廷

清明天子聖陽德彙進羣陰剥大亨養賢有列

一作鼎味別

豈久師門共藜藿

一本有先生在魯魯皆化苟用於朝其利博兩句又一本在葵居朝作時

予

一作我

慚職諫未能薦有酒且慰先生酌

絳守居園池

嘗聞紹述絳守居偶來覽登

一作登覽

周四隅異哉樊子恠

可吁心欲獨出無古初窮荒搜幽入有無

一作無有

一語詰

曲百盤紆孰云已出不剝襲句斷欲學盤庚書

一本有方言爾

雅不訓詰幾欲舌譯從象胥兩句

荒烟古木蔚遺墟我來嗟祇

一作止

得

其餘柏槐端莊偉丈夫蒼顏鬱鬱老不枯靚容新麗一

何姝清池翠蓋擁紅蕖胡髯虎搏豈足道記錄細碎何

區區處氏八卦畫河圖禹湯臯虺

一作陶

暨唐虞豈不古

奧萬世模嫉世姣巧

一作好

習卑汙以奇矯薄駭羣愚用

此猶得追韓徒我思其人為躊躇作詩聊謔為坐娛

晉祠

一本作過并州晉祠泉

古

一作故

城南出十里間鳴渠夾路

一作石渠夾道

何潺潺行人

望祠下馬謁退即祠下窺水源地靈草木得餘潤鬱鬱

古

一作松

柏含蒼烟并兒自古事

一作重

豪俠戰爭五代幾

百年天開地闢真主出猶須再駕方凱旋頑民盡遷高

壘削秋草自綠埋空垣

一作自綠空塞垣

并人昔遊晉水上清

鏡照耀涵朱顏晉水今入并州裏稻花漠漠澆平田廢

興髣髴無舊

一作故

老氣象寂寞餘山川惟存祖宗聖功

業干戈象舞被管絃我來覽登

一作登覽

為歎息暫照白髮

臨清泉鳥啼人去廟門闔還有山月來娟娟

登絳州富公嵩巫亭示同行者

羣峰擁軒檻竹樹陰漠漠公胡苦思山規構自心作惟

予

一作予亦

愛山者初仕即京洛嵩峯三十六終日對高閣

陰晴無朝暮紫氣常浮泊雄然九州中氣象壓寥廓亦

嘗步其巔培塿視

一作觀

四岳其後竄荆蠻始識峽山惡

長江瀉天來巨石忽開拓始疑茫昧初渾沌死鑄鑿神  
功夜催就萬仞成

一作或

一削尤奇十二峯隱見入冥邈

人蹤斷攀緣異物宜所託顧瞻但徘徊想像逢綽約嵩  
山近可愛泉石吾已諾終朝友幽人白首老雲壑荆巫  
惜遐荒詭恠杳難貌至今清夜思寃夢輒飛愕偶來玩  
茲亭塵眼刮昏膜况逢秋雨霽濃翠新染濯峯端上明  
月且可留幽酌

水谷夜行寄子美聖俞

一本題上有補成字



寒

一作晨

鷄號荒林山壁月倒掛披衣起視夜攬轡念行

一作選

邁我來夏云初素節今已屆高河瀉長空勢落九

州外微風動涼襟曉氣清餘睡

一作色清餘暖

緬懷京師友文

一作有

酒邈

一作邈

高會其間蘇與梅二子可畏愛篇章富

縱橫聲價相磨

一作摩

孟子美氣尤雄萬竅號一噫有時

肆顛狂醉墨洒霧霈譬

一作勢

如千里馬

一作足

已發不可

殺盈前盡珠璣一一難東汰梅翁事清切石齒漱寒瀨

作詩三十年視我猶後

一作後猶無

輩文詞愈清新心意雖

難一作老大譬如妖韶女老自有餘態近詩尤古硬一作淡

咀嚼苦難噉初如食橄欖真味久愈在蘇豪以氣轢一作轢

礫

舉世徒

一作盡

驚駭梅窮獨我知

一作我獨奇

古貨今難賣

一作物今誰買

二子雙鳳凰百鳥之嘉瑞雲烟一翱翔羽翮一

摧鍛安得相從終日鳴噦噦問胡

一作相問

苦思之對酒

把

一作把酒對

新蟹

病中代書奉寄聖俞二十五兄

一本無奉及下四字

憶君去年來自越值我傳車催去闕是時新秋蟹正肥

恨不一醉與君別今年得疾

別一作病

因酒作一春不飲氣

彌劣飢腸未慣飽甘脆

一作平生乍得飽甘肥

九蟲寸白

一作腹蟲不慣

爭為孽一飽猶能致身患寵祿豈無神所罰乃知賦子

分有涯適分自然無天閼昔在洛陽年少時春思每先

花亂發萌芽不待楊柳動探春馬蹄常踏雪到今年纔

三十九怕見新花羞白髮顏侵塞下風霜色病過鎮陽

桃李月兵閒事簡居可樂心意自衰非屑屑日長天暖

惟欲睡

一作眠

睡美尤厭春鳩聒北潭去城無百步淥水

冰銷魚撥刺經時曾未著脚到好景但聽遊人說官榮  
雖厚世味薄始信衣纓乃羈紲故人有幾獨思君安得  
見君憂暫豁公厨酒美遠莫致念君貫一作慣飲衣屢脫  
郭生書來猶未到想見新詩甚飢渴少年事事今已去  
惟有愛詩心未歇居閑可能為我作莫辭自書藤紙滑  
少低筆力容一作留我和無使難追韻高絕

鎮陽殘杏

一本有寄  
聖俞字

鎮陽二月春苦寒東風力弱冰雪頑北潭跬步病不到

即常山宮後池也  
州之勝遊惟此

何暇騎馬尋郊原

鵬一作

丘新晴暖

已動砌下流水來潺潺

鵬丘水在州西十五里以長渠引走城中

但聞簷間

鳥語變不覺桃杏開已闌  
人生一世浪自苦盛衰桃杏

開落間西亭昨日偶獨到

一作往

猶有一樹當南軒殘芳

爛漫看更好皓若春雪團  
枝繁無風已恐自零落長條  
可愛不可攀猶堪攜酒醉  
其下誰肯伴我顏巾冠

班班林間鳩寄內

班班林間鳩穀穀命其匹  
迨天之未雨與汝勿相失  
春

原洗新霽綠葉暗朝日鳴聲相呼一作呼應答如吹

一作若律深棲柔柔暖下啄高田實人皆笑汝拙無巢

呂應嘉

以家室易安由寡求吾羨拙之佚吾雖有室家出處曾

不一

一本有豈如鴈鳩樂天性免乖啼兩句

荆蠻昔竄逐奔走若鞭扶山

川瘴霧深江海波濤颶跬步子所同淪弃甘共沒投身

去人眼已廢誰復嫉山花與野草我醉子鳴瑟但知貧

賤安不覺歲月忽還朝今幾年官祿霑兒姪身榮責愈

重器小憂常溢今年來鎮陽留滯見春物北潭新漲綠

魚鳥相聱耳

魚乙切一作懼聲逸

我意不在春所憂空自咄一官

誠易了報國何時畢高堂母老矣衰髮不滿櫛昨日寄

書言新陽發舊疾藥食

一作石

子雖勤豈若我在膝又云

子亦病蓬首不加髴書來本慰我使我煩憂鬱思家春

夢亂妄意占凶吉却思夷陵因其樂何可述前年辭諫

署朝議不容乞孤忠一許國家事豈復

一作暇

卹橫身當

衆怒見者旁可慄近日讀除書朝廷更輔弼君恩優大

臣進退禮有秩小人妄希旨論議爭操筆又聞說朋黨

次第推甲乙而我豈敢逃不若先自劾上賴天子聖必

未

一作未必

加斧鑕一身但得貶羣口息啾唧公朝賢彥衆

避路

一本作讓

當揣質苟能因謫去引分思藏密還爾禽鳥

性樊籠免驚怵子意其謂何吾謀今已必

一本有誠思憂與樂便可

齊升黜兩句

子能

一作如

甘藜藿我易解簪紱嵩峯三十六蒼

翠爭聳出安得携子去耕桑老蓬華

暮春有感

幽憂無以銷春日靜愈長薰風入花骨花枝午低昂往



來採花蜂清蜜未滿房春事已爛漫落英漸飄揚蛺蝶  
無所為飛飛助其忙啼鳥亦屢變新音巧調篴遊絲最  
無事百尺拖晴光天工施造化萬物感春陽我獨不知  
春久病卧空堂時節去莫挽浩歌自成傷

洛陽牡丹圖

洛陽地脈花最宜牡丹尤為天下奇我昔所記數十種  
於今十年半忘之開圖若見故人面其間數種昔未窺  
客言一作云近歲花特異往往變出呈新枝洛人驚誇立

名字買種不復論家貲比新較舊難一作莫優劣爭先擅

價各一時當時絕品可數者魏紅窈窕姚黃妃壽安細

葉開尚少一作早朱砂玉版人一作猶未知傳聞千葉昔未

有只從左紫名初馳四十年間花百變最後最好潛溪

緋今花雖新我未識未信與舊誰妍媸當時一作年所見

云已絕豈有更好一作妍此可疑古稱天下無正色但恐

世好隨時移紅鶴翎豈不美斂色如避新來姬何況

遠說蘇與賀有類異世誇嬖造化無情宜一槩偏此

著意何其私又疑人心愈巧偽天欲闢巧窮精微不然  
元化朴散久豈特近歲尤澆漓爭新一作先鬪麗若不已  
更後百載知何為但應新花日愈好惟有我老年年衰

鎮陽讀書

春深夜苦短燈冷焰不長塵蠹文字細病眸澁無光坐  
久百骸倦中遭羣慮戕尋前顧後失得一念一作而十忘

乃知學在少老大不可彊廢書誰與語歎息自悲傷因  
憶石夫子徂徠有茅堂前年來京師講學居上庠青衫

綴朝士而有

一作乃弃

數畝桑不耐羣兒嗤束書歸故鄉却

尋茅堂在高臥泰山傍聖經日陳前弟子羅兩廂大論

叱佛老高聲

一作言

誦虞唐賓朋足棗栗兒女飽糟糠雖

云待官闕便欲解朝裳有似蠶作繭縮身思自藏嗟我

一何愚貪得不自量平生事筆硯自可娛文章開口攬

時事論議爭煌煌退之嘗有云名聲暫羶香誤蒙天子

知侍從列班行官榮日已寵事業闇不彰器小以

一作而

任大躋顛理之常聖君雖不誅在汝

一作尔

豈自遑不能

雖欲止恍

恍一作恍

若失其方却欲尋舊學舊學已榛荒有

類邯鄲步兩失皆茫茫便欲乞身去君恩厚須償又欲  
求一州俸錢買歸裝譬如歸巢鳥將棲少徊翔自覺誠  
未晚收愚老縑紉

留題鎮陽潭園

官雖鎮陽居身是鎮陽客北園潭上花安問誰所植春  
風無先後爛漫爭紅白一花聊一醉盡醉猶須百而我  
病不飲對花空歎息朝來不能歸暮看不忍摘謂言花

縱落滿地猶可席不來纔幾時人事已非昔芳枝結青  
杏翠葉新奕奕落絮風卷盡春歸不留迹空餘綠潭水  
尚帶餘春色疑一作思春竟何之意謂追可得東西遠潭行  
蜂鳥已寂寂惘然無所依歸駕不停輒寓興誠可樂留  
情豈非惑至今清夜夢猶遶北潭北

讀一本有聖俞字蟠桃詩寄子美

韓孟於文詞兩雄力相當

一本有偶以恠自戲作詩驚有唐兩句

篇章綴

談笑雷電擊幽荒衆鳥誰一作不

一作不

敢和鳴鳳呼其皇孟窮

苦累累韓富浩穰穰窮者啄其精富者爛文章發生一  
為宮掣斂一為商二律雖不同合奏乃鏘鏘天之產奇  
怪希世不可常寂寥二百年至寶埋無光郊死不為皇  
聖俞發其藏患世愈不出孤吟夜號

一作夜號清

霜霜寒入

毛骨清響哀

一作乃

愈長玉山禾難熟終歲苦飢腸我不

能飽之更欲不自量引吭和其音力盡猶勉強

一本有嗟我於

韓徒足未及其墻而予得  
孟骨英靈空北邙四句

誠知非所敵但欲繼前芳近

者蟠桃詩有傳來北方發我哀病思藹如得春陽忻然

便欲和洗硯坐中堂墨筆不能下怳怳

怳一作恍

若有亡老

雞觜爪硬未易犯其場不戰先

輒一作

自知雖奔

然一作

未

甘降更

一作便

欲呼子美子美隔濤江其人雖憔悴其志

獨軒

一作昂

昂氣力誠當對勝敗可交相安得二子接揮

鋒兩交鏖我亦願助勇鼓旗譟其旁快哉天下樂一醵

宜百觴垂離難會合此志何由償

初伏日招王幾道小飲

北園數畝官墻下嗟我官居如傳舍濔沲北渡馬踏冰



西山病歸花已謝落英不見空繞樹細草初長猶可藉

空園一鎖不復窺不覺芳蹊繁早夏隔牆時時聞好鳥

如得嘉一作佳客聽清話今朝試去繞園尋綠李橫枝礙

行馬蒲萄憶見初引蔓翠葉陰一作成陰還滿架紅榴一作

榴花最晚子已繁猶有殘花藏葉罅一本有雖無桃李競繁華固有竹柏資瀟灑兩

句人生有酒復何求官事無了須偷暇古云伏日當早

歸況今著令許休假能來解帶相就飲為子掃月開風

榭

白髮喪女師作

一本無下四字

吾年未四十三斷哭子腸一割痛莫忍屢痛誰能當割  
腸痛連心心碎骨亦傷出我心骨肉灑為清淚行淚多  
血已竭毛膚冷無光自然鬚與鬢一作鬢與鬚未老先蒼蒼

永陽大雪

清流關前一尺雪鳥飛不渡人行絕冰連

一作涇

谿谷麋

鹿死風勁野田桑柘折江淮卑濕殊北地歲不苦寒常  
疫癘老農自言身七十曾見此雪纔三四新陽漸動愛

日輝微和習習東風吹一尺雪幾尺泥泥深麥苗春始  
肥老農爾豈知帝力聽我歌此豐年詩

送章生東歸

窮山

一作盧

荒僻人罕顧子以一身千里來問子之勤何

所欲自慚報子無瓊瑰非徒多難學久廢世事漸懶由  
心衰吳興先生富道德僉僉弟子皆賢材鄉閭禮讓已  
成俗餘風漸被來江淮子年方少力可勉往與夫子為  
顏回

文忠集卷二